



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-381-3/25**
Datum: **02.10.2025. godine**

«Agencija za vodno područje rijeke Save» Sarajevo rješavajući po zahtjevu Općine Tešanj za donošenje rješenja o vodnoj saglasnosti na projektnu dokumentaciju za uređenje desne obale rijeke Usore u dužini od 410 m na lokalitetu pored jezera u naselju Mrkotić, općina Tešanj, na osnovu člana 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Podnosiocu zahtjeva, Općini Tešanj, daje se vodna saglasnost za aktivnost - uređenje desne obale rijeke Usore u dužini od 410 m (II faza – nastavak radova na uređenju od PR 9 do PR 1 sa nizvodnom prelaznom dionicom) na lokalitetu pored jezera u naselju Mrkotić, općina Tešanj, a na osnovu projektne dokumentacije:
 - Glavni projekat uređenja desne obale rijeke Usore u naselju Mrkotić pored jezera u dužini od 500 m, općina Tešanj urađen od strane «IBIS» d.o.o. Zavidovići (broj: 49-IB-G/21, august 2021. godine) te revidovan od strane «ES HYDROTECHNICS» d.o.o. Sarajevo (broj: O-12-036/21, 06.12.2021. godine)

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).

2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove predviđene Glavnim projektom vezano za uređenje desne obale rijeke Usore u dužini od 410 m na lokalitetu pored jezera u naselju Mrkotić, općina Tešanj (II faza – nastavak radova na uređenju od PR 9 do PR 1 sa nizvodnom prelaznom dionicom) izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Korisnik vodne saglasnosti dužan je u saradnji sa izvođačima radova i nadzornim organom prije početka radova riješiti način uklapanja (prelaznu dionicu) nivelete regulisanog korita u prirodno korito na početnom i završnom profilu, tako što će se bez značajnijih zahvata u prostoru moći pristupiti realizaciji nizvodne dionice regulacije korita, uz istovremeno zadovoljenje zahtjeva u pogledu zaštite od plavljenja i štetnih djelovanja erozionih procesa.
 - 3.5. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
 - 3.6. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.

- 3.7. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.8. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.9. Prije početka izvođenja radova neophodno je utvrditi postojanje instalacija vodovoda, elektro, plina i ostale infrastrukture na obali i eventualno instalacije zaštititi ili izmjestiti uz saglasnost i nadzor mjesnog nadležnog preduzeća, koje će dati tehničke uslove za izvođenje ovih radova.
- 3.10. U toku izvođenja radova, neophodno je poduzeti sve potrebne mjere zaštite da predmetnom aktivnošću ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanja kvaliteta vode i dr).
- 3.11. Tehnologiju izvođenja radova u obalnom pojasu vodotoka prilagoditi uslovima na terenu, uz odgovarajuća osiguranja ljudi i materijalnih dobara.
- 3.12. U toku radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 3.13. Po završenim radovima, potrebno je izvršiti uređenje korita, obale i pojasa u kome su vršeni radovi, tj. dovođenje kompletnog terena u prvobitno stanje.
- 3.14. Investitor (korisnik vodne saglasnosti) je obavezan ispoštovati uslove iz Rješenja o urbanističkoj saglasnosti broj: 06-19-1-690/25 izdatog dana 20.08.2025. godine od strane Službe za katastar, urbanizam i imovinsko-pravne poslove Općina Tešanj.
4. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
5. Ukoliko se izvođenjem radova na uređenju desne obale rijeke Usore u dužini od 410 m na predmetnom lokalitetu ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala rijeke Usore ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Udruženje sportskih ribolovaca «BLINKER» Kalošević-Tešanj, koje je korisnik ribolovnog prava na ovom ribolovnom području, o početku izvođenja radova u koritu rijeke Usore na predmetnom lokalitetu u naselju Mrkotić.
8. Ukoliko se prilikom izvođenja zemljanih radova pojavi višak materijala iz iskopa a koji ne bude iskorišten za predmetne radove na sanaciji desne obale rijeke Usore na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
9. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
10. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeti predmetni radovi na uređenju desne obale rijeke Usore u dužini od 410 m na lokalitetu pored jezera u naselju Mrkotić, općina Tešanj u skladu sa glavnim projektom iz tačke 1. dispozitiva ovog rješenja.
11. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Općina Tešanj se obratila ovoj Agenciji dana 08.09.2025. godine sa zahtjevom za donošenje rješenja o vodnoj saglasnosti za aktivnost - uređenje desne obale rijeke Usore u dužini od 410 m na lokalitetu pored jezera u naselju Mrkotić, općina Tešanj (II faza - nastavak radova na uređenju od profila PR 9 do profila PR 1 sa prelaznom dionicom) a u postupku pribavljanja odobrenja za građenje.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Kopija Uvjerenja o poreznoj registraciji izdatog dana 20.01.2011. godine od strane Porezne uprave - Kantonalni ured Zenica,
- Kopija Statuta Općine Tešanj («Službeni glasnik Općine Tešanj», broj:11/07),
- Kopija Rješenja o urbanističkoj saglasnosti broj: 06-19-1-690/25 izdatog dana 20.08.2025. godine od strane Službe za katastar, urbanizam i imovinsko-pravne poslove Općina Tešanj,
- Kopija Rješenja o prethodnoj vodnoj saglasnosti broj: UP-1/21-1-40-148-6/25 izdatog dana 19.05.2025. godine od strane «Agencije za vodno područje rijeke Save» Sarajevo,
- Saglasnost za izvođenje radova na uređenju desne i lijeve obale rijeke Usore u naseljenom mjestu Mrkotić broj: 09-33/25 data 18.09.2025. godine Službi za društvene djelatnosti i investicije Općina Tešanj od strane Udruženja sportskih ribolovaca «BLINKER» Kalošević-Tešanj,
- Glavni projekat uređenja desne obale rijeke Usore u naselju Mrkotić pored jezera u dužini od 500m, općina Tešanj urađen od strane «IBIS» d.o.o. Zavidovići (broj: 49-IB-G/21, august 2021.) revidovan od strane «ES HYDROTECHNICS» d.o.o. Sarajevo (broj: O-12-036/21, 06.12.2021. godine),
- Dokaz o uplaćenju upravnoj taksi.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na uređenju desne obale Usore u dužini od 410 m na lokalitetu pored jezera u naselju Mrkotić, općina Tešanj (II faza - nastavak radova na uređenju od profila PR 9 do profila PR 1 sa prelaznom dionicom) izrađena je projektna dokumentacija: «*Glavni projekat uređenja desne obale rijeke Usore u naselju Mrkotić pored jezera u dužini od 500 m, općina Tešanj*» od strane ovlaštenog projektanta «IBIS» d.o.o. Sarajevo, august 2021. godine.

Reviziju projektne dokumentacije uradila je ovlaštena projektna kuća «ES HYDROTECHNICS» d.o.o. Sarajevo, decembar 2021. godine.

Od strane Službe za katastar, urbanizam i imovinsko-pravne poslove Općina Tešanj za radove na uređenju desne obale rijeke Usore u dužini od cca 400 m na lokalitetu pored jezera u naseljenom mjestu Mrkotić (od profila PR 9 do profila PR 1 sa prelaznom dionicom od 15 m) izdato je dana 20.08.2025. godine Rješenje o urbanističkoj saglasnosti broj: 06-19-1-690/25 sa određenim uslovima.

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-148-6/25 izdatog dana 19.05.2025. godine od strane Agencije, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

Predmetni radovi na uređenju desne obale rijeke Usore u naselju Mrkotić u dužini od 410 m koji predstavljaju nastavak radova (faza II) od profila PR 9 do profila PR 1 sa prelaznom dionicom dužine 15 m. Uređenjem obale će se omogućiti povećanje proticajnog profila rijeke Usore na predmetnoj dionici, poboljšanje hidrodinamičkih uslova i kapacitativnih karakteristika korita a sve u cilju smanjenja nastanka šteta od poplava i zaštite stambenih i privrednih objekata od poplava pri pojavi velikih voda ranga pojave 1/100 godina. Planirani normalni profil je trapezno korito obloženo kamenom sa humuziranim kosinama iznad kamene obloge. Na kritičnim dionicama planirana je izrada nasipa kao i proširenje korita na lijevoj obali. Projektom dokumentacijom su predviđeni stabilizacioni pragovi na odgovarajućem rastojanju.

Na osnovu utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 3. dispozitiva Rješenja, shodno odredbama člana 114. Zakona o vodama i člana 17. stav (1) tačka 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22) propisani uslovi koje je isti dužan ispuniti u toku izvođenja radova na uređenju desne obale rijeke Usore u naselju Mrkotić u dužini od 410 m na lokalitetu pored jezera u naselju Mrkotić, općina Tešanj.

Uzimajući u obzir naprijed navedeno, na osnovu člana 109. stav (1) tačka 14., a u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Ovjeren Glavni projekat uređenja desne obale rijeke Usore u naselju Mrkotić pored jezera u dužini od 500m, općina Tešanj urađen od strane «IBIS» d.o.o. Zavidovići (broj: 49-IB-G/21, august 2021.)

Po ovlaštenju
Rukovodilac sektora za izdavanje vodnih akata



Nihad Pežo, dipl.inž.građ.

Dostaviti:

- Općina Tešanj (prilog)
Trg Alije Izetbegovića br 1, 74260 Tešanj
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava